



Inatsisartunut ilaasortaq Knud Fleischer
Kattusseqatigiit Partiiat

§ 37 tunngavigalugu apeqquteqaatinnut akissut 04/2012

Asasara Knud Fleischer

Meeqqat atonerlungaasimasut, paasineqaraangata qanoq pilertortingisumik sullinneqartarnerat qanorlu periaaseqartorqarnersoq pillugu apeqquteqaatinnut qujanaq.

Apeqquteqaat 1. Meeqqat atonerlungaasimasut, paasineqaraangata qanoq pilertortingisumik sullinneqartarpat ?

Akissuteqaat. Meeqqat atonerlungaasimasut patsitsaanneqaraangata, imaluunniit paasineqaraangata ernerluinnartumik pisortat nalunaarutiginnittarput/sullinneqarneranil-lu aallartitsisarlutik.

Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq § 5 naapertorlugu Kinaluunniit meeqqamik peqqissutsimigut ineriartormigulluunniit navianartorsiortinneqarluni atugaqartinneqartumik paasisaqaruni kommunalbestyrelsimut nalunaaruteqarnissaminik pisussaaffeqarpoq. Inuit meeqqanik inuusuttunillu toqqaannartumik suliaqartut nalunaaruteqarnissaminnik sakkortunerusumik pisussaaffeqarput.

Apeqquteqaat 2. Taassuma ataani suliaq qanoq ingerlariaaseqarpa?

Akissuteqaat. Kinguaassiuutitigut atonerluisimanermit tunngatillugu siusissukut suliniuteqarnissaq pingaaruteqarpoq, tassa tarnikkut inooqataanikkullu katsorsaaneermik suliaqarnerup kinguneqarluarnerunissaa eqqarsaatigalugu kiisalu politiit misissuinsakkut periarfissarissaarnerunissaat, tamatumunnga atatillugu nakorsap misissuina, apersuinissakkut assigisaasigullu uppernarsaatinik pissarsinissaq eqqarsaatigalugit.

Kinguaassiuutitigut atonerlunneqarnerup kingunerisaanik suliaqarneq sumiiffinni politiit kommunillu aallaavigalugit ingerlanneqartarpoq. 2007-imi naalakkersuisoqarfiup kinguaassiuutitigut atonerluinermik suliaqarnermi kommunit sillimaniarnissamut periusissanik allatanik pilersitsinissaannut isumassarsiorfigisinnaasaat qupperartagaq nassiussuuppa. Kommunillu isumassarsiorfigisinnaasaat tamakkerlugit ilaannakor-tumilluunniit piviusunngortitsivigisimanerat manna tikillugu nalilersuisuivigineqanngilaq.

Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq naapertorlugu kommunit meeqqanik inuusuttunillu kunguaassiuutitigut atonerlunneqarsimasunik sullissinissamut pisussaataaffectarput. Tamatumalu ilaatigut

24. jan 2012
Sagsnr. 2012-060440
Dok. Nr. 804581

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

kinguneraa kommunit – apeqqutaatinnagu qanoq periuseqartoqarnersoq – meeqqat inuusuttullu kinguaassiuutitigut atornelugaasimasut pillugit nalunaarutigineqarnnerini qisuariaateqartussaammata, taakkualu tunngavigalugit meeqqat inuusuttullu kinguaassiuutitigut atonerlunneqarsimasut taakkualu ilaqutaat naleqquttumik ikiorsiivigissallugit.

Kinguaassiuutitigut atonerluinerit assigiinngiaartorujussuupput, taamaammallu suliarinninnermi periutsit suliamiit suliamut assigiinngiaarlutik.

Innutaaqataasutut meeqqat kinguaassiuutitigut atonerlunneqarnerinik qularnaatsumik ilisimasaqaraanni tamanna pinngitsoorami politiinut anngunneqartariaarpoq, tassami taamaaliorneq pinerluttuliorneruvoq.

Nuna tamakkerlugu atuuttumik Meeqqat Illuat august 2011-imi pilersinneqarmalli kommunit siunnersornerneqarnissamik ilitsersorneqarnisamillu pissassinissamut periarfissaqalerput, kiisalu taakku meeqqat ilaqutaallu Meeqqat Illuanni suliarineqarnissaannut katsorsarneqarnissaannullu innersuussinnaangorpaat.

Meeqqat Illuat pillugu paasissutissat suklumiinerusut www.nanoq.gl kiisalu www.sullissivik.gl iserfiginerisigut pissarsiarineqarsinnaapput, kingulleq 27. januar 2012 iserfigineqarsinnaalissaaq.

Inussiarnersumik inuulluaqqusillunga
Med venlig hilsen

Mimi Karlsen